



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14, 59/22), u otvorenom postupku za izgradnju ambulante porodične medicine sa pratećim sadržajima u MZ Perin Han, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak za izgradnju ambulante porodične medicine sa pratećim sadržajima u MZ Perin Han, iz razloga što jedina zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-20451/23 od 27.09.2023. godine. Obavještenje o nabavci broj: 1355-1-3-240-3-241/23 objavljeno je na Portalu javnih nabavki dana 13.10.2023. godine i Ispravka obavještenja o nabavci broj: 1355-1-3-240-8-265/23 od 07.11.2023. godine kao i u Službenom glasniku BiH broj: 73/23 od 20.10.2023. godine.

Procijenjena vrijednost za predmetnu nabavku iznosila je 1.450.000,00 KM bez PDV-a.

U krajnjem roku za dostavu ponuda, Ugovorni organ zaprimio je jednu ponudu ponuđača „SIGMA-SK“ d.o.o. Zenica. Ponuda ne ispunjava zahtjeve Ugovornog organa u tenderskoj dokumentaciji iz sljedećih razloga:

Ugovorni organ je objavio Izmjenu tenderske dokumentacije broj: 11-11-20451-9/23 od 07.11.2023. godine gdje je navedeno da se mijenja tenderska dokumentacija za „Izgradnju ambulante porodične medicine sa pratećim sadržajem u MZ Perin Han“, tj. Obrazac za cijenu ponude - predmjer radova.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Iz izvještaja sa portala javnih nabavki, o preuzimanju tenderske dokumentacije vidljivo je da ponuđač „SIGMA-SK“ d.o.o. Zenica nije preuzeo izmjenu tenderske dokumentacije kao ni novi predmjer radova.

Ponuđač „SIGMA-SK“ d.o.o. Zenica je, u svojoj ponudi, na strani 4. – 100. dostavio stari Obrazac za cijenu ponude i Predmjer radova, što nije u skladu sa tenderskom dokumentacijom i Izmjenom tenderske dokumentacije, te se ponuda ponuđača „SIGMA-SK“ d.o.o. Zenica odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

S obzirom na navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-20451-2/23

Datum: 27.11.2023. godine

DOSTAVLJENO :

- 1 x Ponuđač
- 1 x Služba kabineta Gradonačelnika
- 1 x Tenderska dokumentacija
- 1 x a/a



GRADONAČELNIK:

Fuad Kasumović